

Landesbibliothek Oldenburg

Digitalisierung von Drucken

**Dissertationum Medicarum De Connubio Astrææ Cum
Apolline, Circa Medicinam Forensem**

De Inspectione Cadaveris In genere

Emmerich, Georg Emmerich, Georg

Regiomonti, 1710

VD18 1310747X-001

§. VI.

urn:nbn:de:gbv:45:1-8856

3
præstare tenetur, hoc enim interdum & Empirici solâ Expe-
rientiâ suffulti, genuinâ methodo ac rectâ ratione carentes,
feliciter vero Medico, imò majori cum applausu sæpius ex-
sequuntur, sed in publicum prodire, forensibus litigationibus
interesse, reipublicæ salutem quærere, ejusque vulnera
sanare, ulcera verò ac carcinomata urere, secare, tollere,
capite damnatos restituere, civiliter mortuos resuscitare, ac
indefinitis rixis, altercationibus ac litibus Medusæ caput obji-
cere oportet Medicos, dum vera relatione, concinnâ respon-
sione, consilio prudenti, judicio sagaci, renunciatione de-
centi anam dant, ne justus damnetur, injustus verò absol-
vatur.

§. V.
Quoties enim vel ipso jure Cæsareo propositio de le-
thalitate vulneris, de impotentia virili, de Partu septimestri,
de virginitate illibata, de infante vivo vel mortuo in lucem
edito, de morbo simulato vel dissimulato, de veneno pro-
pinato, de veneficiis, de sterilitate aliisque sexcenta, à judiciis
summis vel inferioribus sententiam ferre requiruntur ac in-
vitantur Medici, toties prolixis super his disceptationibus,
fœcundioris ingenii technis, uberrimis rixis ac rebus in an-
cipiti positis, finem felicissimè imponunt; Eorum enim sec.
artis præcepta prudenter conceptis ac formatis Conclusionibus
vel ipsa summa judicia acquiescunt ac sec. easdem jus
dicunt.

§. VI.

In his itaque si occupatus sit Medicus, quod ipsi jure
incumbit, non Clinicum sed Forense ipsi attribui posse offi-
cium, ritè scilicet renunciandi, in propatulo est, maximum,
enim commodum reipublicæ civili inde accrescit, ut inte-
meratis digitis suum cuique tradi possit; Scientiam hinc

A 2

Medico-



Medico - Legalem sibi acquirere, Deam Astræam propitiâ sibi reddere, eamque connubio stabili Apollini medicæ artis Præsidi jungere annitetur, qui Medici Forensis s. legaliter Deponentis, dextrè Judicantis ac legitimè Renunciantis, hinc circumspècti, Prudentis, conscientiosi, omnesque partes officii sui explentis Medici nomen jure sibi acquirere cupit. In hoc vires nostras, quas infirmas novimus, tentabimus, & aliqualem operam collocabimus, ex quâ, licet singularem laudem, nec enim adeo cupidi ejus sumus, aut suffèni nb: erimus, consecuturi non simus, sugillationem tamen ac theoninum dentem deprecabimur, cum in magnis & volisse fat censentum sit; illis autem, quorum præcordia ex meliori luto finxit Titan, limatiora, accuratiora ac doctiora tradere relinquimus.

§ VII.

Officium autem Medici duplex Forense non minus ac Clinicum plenariè jam tradidisse, totumque exhaustisse videtur modò laudatus Bohnius, Celsus Scholarum nostrarum excelsus in dicto peculiari tractatu: De officio medici duplici, in cujus posteriori parte, illa, quæ tribus olim insignioribus Disputationibus de Medicinâ Forensi tradiderat, splendè renovavit, auxit & quam plurima elegantiora addidit, sicque quæ de medicinæ forensis necessitate ac usu, de Medicis, chirurgis ac obstetricibus Deponentibus ac Renunciantibus, item de instrumentis, modo, ac difficultate renunciantionum dici possunt, compendiose quidem ast nervosè ac emphaticè conscripsit. Liceat nobis Vestigia ejus, licet non pari passu aut pari felici successu, premere, circà rem hanc quæpiam commentari, easque inspectiones relationes, ac Depositiones, quas vel Summo ac Clementissimo Domino nostro, Augustissimo Regi, vel Magistratui Civico vel
Judiciis